



*Celles qui ne se
marient pas*

A moins s'ell's aivîn des étyus,
Tot ramboéraie yos p'tés fas-tius;
Mais ais n'y ai ran que d'lais voite,
Devain, derie, ais gatche, ais droite.

I vos dis que çâ ainn'pidie,
Mon Due! c'ment vos les airandgie.

Mitnaint, vos daite bîn compar'
Pouquoi ais ne se léchamp'-par';
Ran qu'en pensain en ces baichattes,
Les bouebs grulant dain yos tyulattes!

I vos dis que çâ ainn' pidie,
D'avoi des baichatt's ais piaicie!



Garçons à marier.

Boueb's ais mairiaie

Ah! les mairious ne sont-p'chi raies,
Ais y en ai de gros l'éraies,
Mais des hannes bîn c'ment qu'ais fâ,
An ne les mejur'pe â p'nâ;
Et pou le mairiaidge, écoutaie,
Voici c'que çà en véritaie;

Refrain :

Lais premiere annaie,
Çà baigîn, baigeat,
Lais seconde annaie,
Çà brecîn, breçat;
Lais tragieme annaie,
Çà bairtîn, bairtat.

Tiain les boueb's à l'òvre veniant,
En yos blondes tot' souetche ais diant,
Ais yos diant de chi douces tchoses,
Que yos môtrant lais vie en rose;
Main, chitôt que mairiaie ais sont,
Ha! çà tote ainne àtre tchainson.

S'an s'mairie d'aivos ïn ôvrie,
An n'airom p'aidé ais maindgie,
Ou bïn d'aivos ïn paysain,
Çà des ribambelles d'afains,
Et s'an prend ïn chir de lais velle,
Ais y'airé bïn chur d'lais ficelle.

Lais mageon se rampiat d'afains,
Pu vit' que d'étius ou de pain;
Et, se lais fanne, lais pouer dgens,
N'ai-p'aipoétchaie ïn sais d'airdgent,
Bïn s'vent elle veut risquaie
De se l'ouyi bottaie à naie.

A cabaiet l'hanne à foéraie
Tot le duemoine lais vâpraie,
Ais djue és catches, ais djue és gréyes,
Ravoéte même ancoé les féyes;
Et tiain qu'ais r'vînt, s'nos dians ïn mot,
Vite ais nos rosse ou bîn cass' tot.

Cés que s'mairiant sont bîn dobattes,
Se nos poyans, d'moérans baichattes;
Es bés djasous n'allam-p'nos fiaie,
Ni ne nos léchans endjolaie;
L'amour des hannes, ça ladgie,
Vit' contentaie, vite ébieugie.



Les Preluques de la ville.

Les freluquets de lais velle

Les p'tés freluquets
De lais velle
Aint bîn di toupet
Vés les belles;
Ais les aicochtant
Sain façon,
Et yos raicontant
Des tchainsons.

Pou pésaie le tems
In p'té po,
Les bell's écoutant
Yos propos,
Faint minn' d'aïpprouvaie
Yos régeons
Main les faint allaie
Pou tot d'bon.

Dĩnche encoéraidgie
Nos youédgés
S'bottant ais mairtchie,
Dain l'piaité;
D'jasant d'iot airdgent,
Les mâtĩns!
Et diant qu'ais naidgent
Dain l'butĩn.

Ais faint virayie
Yot bâton,
Léchant mirayie
Yos botons,
Motrant yos craivattes
Bĩn nouquaie
Et yote tiulatte
Bĩn r'pésaie.

Yos tchétés sont prats
Pou leudgie,
C'ment en ĩn coffrat
Yot'aimie;
D'lais belle ais se diant
Aimoiroux,
Et vit'yi baiyant
Rendez-vous.